

祁州續志卷之二

人物志上

道學

刁世俞字山泉城內人乾隆庚子科舉人事詳藝文志刁山泉小傳

徐永發字裔昌東路景村人乾隆戊申科舉人孝友兼盡學品俱優任長垣廣文教訓諸生殷殷不倦家居設帳五十餘年衍孔孟之心傳挾程朱之奧旨祁之講理學者必首推之

卜應麟南關人歲貢生事詳藝文志卜符周衍狀忠
烈門並載

孝友

孟良弼字萬選武庠生立家莊人十一歲失恃哀痛逾於成人繼母趙性嚴承顏順志能得其歡心父長發廩膳生試輒冠軍因未獲拔萃鬱鬱不得志弼常慰解之異母弟二父以食指繁欲分炊而未忍言弼微窺之卽將公產百餘畝盡讓於異母弟使與父同居而已與同母弟亦各爨後四弟早逝五弟又以歲歉蕩田產弼慮堂上缺甘旨遂獨奉焉十餘年如一日父去世葬祭事無不從豐伐五

弟樹爲槲仍與之價曰爲吾弟貧也壽九十五見
後人瑞子孫榮盛見藝文志祝壽詩

劉甘惠石佛村人家貧如洗而事母極孝母病欲食
肉不可得割股奉之母病痊股亦無恙

王顯字明通大李家莊人幼業儒因母患癰症侍
奉無人遂輟讀飲食藥餌手必親調晝夜不離者
七閱寒暑凡諸污穢必隨時滌除父病時奉養一
如其母歿後葬祭盡禮忌辰必號泣於墓顯生子
三長致祥太學生次致泰咸豐辛亥科舉人季致

敬邑庠生成謂孝行所感云

趙受采中照村人孝能養志堂伯母刁氏孀居無子
堂仲父亦無子晚年皆患貧父芴念祖父一體欲
並養之尙未明言采微窺其意卽請與同居養生
送死無不從豐並遵父命以兄弟各爲之嗣父患
風癱語言艱澁采侍湯藥晝夜不解帶者八年凡
扶持抑搔皆先意承志曲當父心又能於父所不
能言者一一代言之無不如其所欲言父沒後盡哀
盡禮且能繼志先數世業儒未有成名者父常以

爲憾采無子諸姪俱令讀書費雖多無難色曰此
吾父素志也後以姪汝霖爲嗣同治癸酉科膺拔
萃選進未可量孝子不匱永錫爾類其是之謂乎
趙錦華中照村人事親孝母性好潔夏病瀉凡溺器
及衣被必親手浣滌極淨然後進

王一溥郭皮莊人邑庠生行三仲兄無子以次子庠
生國恒爲嗣長兄早逝與姪析箸時祇按兩支均
分且將良產俱讓於長兄子已則情甘淡泊族人
皆難之溥曰不如此無以對吾兄於地下耳

王長發流村人歲貢生三歲失恃事繼母以孝聞捻
匪之亂鄉人皆逃避發以母老獨依膝下不忍離
母屢促之終不去賊至欲殺其母發痛哭願以身
代如是者數次賊感其孝因並釋之

曹克禮東佛落村人邑庠生幼業儒因貧廢學父母
深以爲憾禮善體親心乃晝務農夜就關帝廟燈
下讀累年不倦遂以弱冠遊庠後居親喪不飲酒
不茹葷不寢私室者三載里人皆亟稱之

李景熙字永昌城內南街人家極貧事親極孝每飯

必餘酒肉偶無餘卽自怨曰得毋吾親未飽乎吾不可爲子矣出告反面朝夕未嘗遠離母歿後與父同寢無暫時違旣常在家困苦益甚每典衣以奉甘旨且不使父知恐父知而食不下咽也咸豐五年冬父以疾終棺衾無力從厚遂時時抱恨哀痛成疾逾年而卒

張洛班寺下村人目不識書性篤孝父歿事母益謹家素不豐而飲食務供甘旨寢處必溫枕席捻匪之亂不顧妻子負母而逃足無停趾者四十里人

皆樂道之

李芄樸庠生軍誥人事親至孝父患腸乾蜜膽導之皆罔效樸以指取糞經一晝夜父乃愈母生瘍痛不可言樸用吮癰法以口導膿母卽愈二者皆人

之所難其他孝行可知矣

封錫榮黃台人同治七年之變榮已逃走聞堂兄被虜將遇害乃急投賊營謂賊曰吾兄無子願以身代賊遂殺榮免其兄榮死時血沖丈餘賊帶血者皆立斃

補遺

李躍龍東路景村儒童親歿時方十六歲盡哀盡禮
逾於成人親既葬廬墓三年康熙十五年旌曰
敦倫風世又曰孝媿中郎

善行

劉 鎧字函人增廣生石佛村道光戊子科舉人學
海之父也年逾五十無子買一妾甫入門哭之哀
問其故曰吾家累世書香今鬻身作妾有玷先人
是以悲耳鎧曰洵如是吾不忍也卽命原車送回
弗索其值復厚賂以卹之性旣好施以此家中落
乾隆五十八年歲大饑賣地十畝以濟餓者是年
八月學海生人僉曰善人宜有後也已見封贈門
江潤峰字壯瀾州同銜王玉港人事詳藝文志報德

碑

戴繩武字念祖八品頂戴東伯章人諳岐黃術有跌打損傷筋骨斷絕者敷藥立效藥皆自製求卽與不圖報也以故感德者皆以緯楔表其門子三池淮湖湖貢生孫男八開泰貢生全泰監生榮泰咸泰俱庠生天之報施善人固不爽也而湖尤能以醫繼父之志

王汝霖邑庠生郭皮莊人嘉慶六年大饑出粟數百石以食餓者全活甚衆州牧姚旌其門曰義概可

則儒學張旌其門曰行端品正

李氏北流羅文生安金錫之配也素性本好施自同治七年之亂金錫禦賊被戕氏痛夫死於非命益竭力濟貧矣自樂疏水留以濟人之飢者自甘藍縷留以濟人之寒者每歲所餘盡用之以周急不足又稱貸而益之鄉人咸頌其德不衰夫周急善也出自巾幗尤善也故特附於善行之後以勸世之爲善者

義行

卜中節字和中廩貢生南關人素性慷慨凡有公事必倡首捐貲費雖鉅弗惜也有貸者無弗與累千累百概不責償親友有爭端必力爲和解南關春冬兩會商賈雲集事無鉅細皆倚賴之其孫名兆晉者亦頗能繩其祖武

卜應昌字鳳鳴例貢生軍功六品頂戴中節堂姪應麟胞弟也性揮霍且慷慨知大義捻匪逼近時辦團練製旗幟器械所費甚鉅絕無吝色凡有公事

俱踴躍爭先親友有急需卽家無餘貲必稱貸以與之

趙文海太學生鄭各莊人在馬莊渡口施地十八畝爲渡船之費至今賴之

張學中羊翟村人修本村聖母行宮墊支京帑四百餘緡鄉人無力歸款中遂獨任之人感其義爲之勒石壽至九十四歲

節孝 日旌者

劉氏張瑛妻十九歲夫亡守節三十五年乾隆三十三年旌

張氏儒童史書範妻二十四歲夫故子女皆無夫兄嫂又相繼歿撫姪敬業愛如己生勤儉持家無不中禮後敬業中乾隆丙午科武舉姪孫玉振亦中嘉慶戊寅科武舉科名接踵克振家聲皆氏之力也守節四十五年六十九歲卒乾隆五十二年

旌

江氏貢生張璐妻二十一歲夫故守節三十五年乾隆五十五年旌

郭氏文生宋斯盛妻二十一歲夫亡遺孤九錫又天折以姪孫熾承子嗣教養有方英年卽有聲庠序皆氏力也守節六十三年八十四歲卒嘉慶四年

旌

李氏儒童史書典妻二十歲夫故無子以姪爲嗣教養成立守節五十八年七十八歲卒嘉慶十年

旌

宋氏劉某之妻嘉慶十三年 旌

張氏李天眷妻子歸後善事翁姑相夫有道二十七
歲夫故教子有方守節五十六年壽八十三歲已
旌

王氏張思友妻二十一歲夫亡守志不渝嘉慶十一
年 旌

杜氏王建寬妻嘉慶二十一年 旌

劉氏安梁之妻嘉慶二十五年 旌

蕭氏王楓林妻嘉慶年間 旌

甘氏劉折桂妻嘉慶年間 旌

謝氏劉堂桂妻嘉慶年間 旌

白氏劉登桂妻嘉慶年間 旌

李氏許步青妻十九歲守苦節道光二年 旌

張氏張煥甲妻十九歲守苦節道光五年 旌

崔氏張秀甲妻文生崔錦章女二十一歲守苦節道

光五年 旌

朱氏戴元吉妻監生煥新武生煥發之母也節孝兼

盡道光六年 旌

張氏江懋德妻十九歲于歸事親相夫無不盡禮二十九歲夫亡守節五十六年壽八十五歲道光六年旌

鄭氏江來龍妻二十五歲夫亡守節五十一年壽七十六歲道光七年旌

楊氏李天祥妻石佛村武舉楊暉吉女二十三歲守苦節道光十二年旌

郭氏儒童陳端楷妻二十歲夫歿僅有一女父母憐其年少無子欲令改醮氏因自誓曰人之所以異

於禽獸者禮義耳夫死而嫁如禮義何禽獸行吾弗爲也遂欲以身殉家人數勸乃止守節六十七年壽八十七歲道光十三年旌

王氏監生許學哲妻幼通經史二十三歲夫故遂以柏舟自矢事孀姑以孝聞二子幼氏親教句讀及長始爲延師長子上玉次良玉相繼入泮皆氏之力也守節五十三年道光十六年旌

馬氏王天祿妻道光十三年旌

曹氏谷逢年妻二十六歲守節子秀穎妻楊氏二十

二歲守節姑媳冰霜共勵松柏同貞已旌

陳氏劉可聘妻二十歲夫亡子震川妻子歸甫四歲
震川亦亡姑媳同心守節壽七十八歲卒

劉氏卽陳節婦子震川妻武生劉紹基長女二十歲
夫亡與孀姑同守苦節三十五年先姑而卒

董氏劉哲妻卽陳節婦姪媳二十一歲夫亡守節三
十四年卒道光二十一年與陳節婦姑媳並旌

安氏儒童韓錫富妻文生鑑之母也十八歲于歸甫
三年夫卽歿守節四十一年道光二十二年旌

周氏韓芳書妻二十歲夫亡子女俱無艱辛萬狀守節三十年卒道光二十三年旌

鍾氏武生戴煥發妻三十歲守節事親撫孤孝慈兼盡道光二十四年旌

陳氏董保泰妻二十七歲夫故守節四十三年壽七十歲卒道光三十年旌

趙氏陳鵬徙妻十七歲于歸事親相夫盡孝盡禮生二女二十二歲夫故家人以其年少無子疑不能終守氏因自明日烈女不更二夫豈以一人而事

兩姓乎遂養胞姪濬川爲己子時濬川已長因理家務未能讀書遂捐例貢生後濬川生子三長景初次葆初季慶初氏不惜重貲延名師以課諸孫讀遂以次成名皆氏力也守節三十五年已旌

安氏李煥文妻監生安永純女十九歲于歸未半年夫卽故氏無所出以胞姪爲嗣教有義方俾得成名守節三十一年卒咸豐二年旌

安氏李煥章妻十九歲夫故守節三十二年咸豐二年旌

李氏蕭學淵妻二十二歲守節咸豐五年 旌

劉氏武生李步堂妻二十五歲夫歿守節五十三年
卒咸豐十一年 旌

胡氏楊泮林妻十七歲于歸甫兩月夫卽歿誓以身
殉翁姑力勸乃止以夫嫡堂兄子步雲爲嗣惟家
計已窘四壁蕭然氏養親教子艱苦備嘗十數年
如一日嗣翁姑相繼歿氏殯葬如禮謂步雲曰大
事已畢所未畢者惟汝名未成耳俾就外傳讀書
不數年步雲入泮旋中道光丙午副車已酉舉於

鄉授廣平府成安縣訓導皆氏訓誠力也現年六十八歲苦節已五十一年同治二年詳請 旌表

劉氏文童李景茂妻二十一歲守節現年六十二歲同治三年 旌

姚氏文童李景峰妻二十六歲守節現年六十二歲同治四年 旌

梁氏李爾昌妻二十五歲孀居守節四十餘年同治四年 旌

時氏文童曹玉林妻文生松齡之母也三十歲夫故

守節五十二年同治四年 旌

刁氏孟士豪妻二十二歲夫亡誓以身殉家人婉勸
嚴防復責以撫嗣承先大義其志始稍移以夫兄
武生良弼之子賓興爲嗣丸熊晝荻教育有方中
道光甲午科副榜守節三十一年卒同治四年

旌

崔氏孟思義妻二十一歲夫故守節四十九年道光
二十一年卒同治五年 旌

楊氏孟季冬妻二十四歲夫故盡哀盡禮之死靡他

守節四十八年同治五年 旌

韓氏袁立妻十八歲于歸未週歲夫與翁俱歿零丁
孤苦兩世煢煢養子書久又爲逆匪虜去氏之苦
節彌貞焉同治五年 旌

趙氏李保元妻二十四歲守節同治五年 旌

李氏孟金斗妻二十二歲夫亡守節四十年同治五
年 旌

王氏戴繩武妻貢生湖之母也二十三歲夫亡守節
四十年同治六年 旌

福州續志 卷二
宋氏馬壯圖妻二十五歲夫亡守節四十七年同治

六年 旌

于氏沈元虎妻二十九歲孀居躬勤紡績以養舅姑
守節五十五年同治八年 旌

張氏王啟心妻同治九年 旌

許氏杜玉璠妻同治九年 旌

李氏曹玉琢妻二十歲守節同治九年 旌

李氏王士方妻三十歲夫故守節三十九年同治九

年 旌

孟氏監生趙連仲妻舉人孟思恭女三十一歲守節
現年六十九歲同治九年旌

戴氏趙受益妻武生戴潛之女二十三歲孀居守節
三十五年五十九歲卒同治九年

旌建石坊

沈氏文生李坦然妻二十七歲夫故守節三十六年
同治十年旌

王氏李名卿妻守節五十七年已旌
張氏李可均妻守節六十餘年已旌

孟氏賈上達妻二十歲夫故守節四十七年六十七歲卒已旌

劉氏王雲漢妻二十六歲孀居以姪汝舟爲嗣孝慈兼盡守節五十餘年已旌

寇氏薛得勝妻武生朝治之母也二十二歲守節孝慈兼盡現年九十歲已旌

戎氏王永年妻二十歲孀居節孝兩全已旌

馬氏李本豐妻文生錦湘之母也二十七歲守節七十四歲卒已旌

劉氏李泮妻二十二歲夫亡守節六十餘年已

旌

劉氏監生劉振甲繼配文生化行之母也二十四歲夫亡勤儉持家詩書教子宗族鄉黨人無閒言守節三十八年公舉節孝其子爲之建坊樹碑焉

劉氏武生李天福妻南章文生劉景湘之女已旌

韓氏劉廷輔妻二十一歲守節現年七十五歲已

旌

郝氏劉玉堂妻二十四歲孀居守節五十四年壽至

七十八歲已旌

劉氏趙璧妻二十四歲孀居守節三十三年已旌

季氏馬鳳來妻庠生驥之母也二十四歲夫亡守節

六十年已旌

李氏文生馬騏次配武舉慎修之母也二十二歲夫

亡守節五十五年已

旌建石坊

劉氏監生馬述盛妻貢生劉文耀女庠生震乾母也

十九歲孀居守節四十七年已旌

祝氏文生馬應乾妻二十二歲孀居守節五十七年
以姪聲遠爲嗣五世同堂已旌

李氏徐友洪妻守節三十五年已旌

石氏張維凝妻博野縣武進士石陣圖女二十五歲
孀居守節至八十四歲卒已旌

于氏張東帶妻監生于鵬女二十歲守節五十七歲
卒已旌

趙氏安學海妻二十五歲守節七十七歲卒已旌
劉氏趙養志妻十九歲守節現年七十一歲已旌

趙氏賈上佑妻十九歲守節五十二歲卒已旌

姚氏庠生李汝湛之母已旌

高氏李養正妻已旌

貞女

卷之二

張氏張浦雲之女十五歲許字儒童李耦未嫁而耦
殤從母往弔遂不返或勸之別字女慨然曰烈女
不更二夫我已字李家矣復何字乎舅姑嘉其志
命以猶子爲嗣氏上奉舅姑下撫嗣子孝慈兼盡
已守苦節三十五年現年五十歲

節孝 未旌者

呂氏張桂林妻二十二歲夫亡紡績養親子女俱無
姑歿時遺二子一女俱賴氏撫養成立家貧無立
錐地事舅仍供甘旨故里人皆以孝稱守節五十
五年壽七十七歲卒

龐氏劉照方妻十七歲于歸甫兩載夫卽亡僅留一
女守節六十五年同治四年卒

沈氏儒童安元吉妻歲貢生沈玉衡之女幼嫻閨訓
知書能詩十八歲于歸甫週歲夫卽亡子女俱無

以姪爲嗣嚴加教訓克成厥家守節五十八年壽七十七歲卒

沈氏馬二學妻十八歲夫故無子以猶子爲嗣晝夜紡績以養舅姑仰事俯育送死養生靡不盡禮守節六十二年壽八十四歲卒

杜氏武生王永清妻二十一歲夫亡氏秉性幽閒持家嚴謹事舅姑養生送死無不盡禮守節六十年同治五年卒

焦氏張胡連妻十七歲于歸未三年夫卽故遺一子

又天亡家貧姑老紡績度日姑歿後爲謀窀穸艱苦備嘗守節五十年卒戚族憐之爲釀金具棺衾以葬且爲之樹碑以誌其賢

宋氏常玉衡妻十六歲于歸歲未及週夫卽故痛不欲生誓以身殉舅姑忍痛勸曰吾兩人年已高矣婦若殉吾誰依乎不得已遂從親命定省晨昏曲盡孝道守節六十年壽七十六歲卒

谷氏孟士卓妻二十六歲夫故親老孤幼井日親操勤於紡績翁姑賴無凍餒撫子成立壽七十五歲

卒

李氏孟思敬妻二十六歲夫故氏事舅姑承顏順志
能得二老歡因身無所出以夫兄乾隆丙午科舉
人孟思恭之子爲嗣愛如己生撫養成立壽七十
九歲卒

張氏葛殿圖妻二十七歲夫故遺子甫三歲氏矢志
靡他撫養成立守節四十七年壽七十四歲卒

王氏劉柏年妻二十歲于歸二十五歲夫歿守節五
十一年壽七十六歲卒

李氏趙學禮妻三十歲守節至七十一歲卒

劉氏馬騾子妻二十一歲守節至五十一歲卒

邵氏趙得功妻三十歲守節至六十九歲卒

薛氏文生宋漢儒妻二十歲孀居無子撫姪凌烟爲
嗣自甘貧苦教訓有方卒使凌烟入泮守節四十
年卒

朱氏孟士純妻十九歲夫歿孝舅姑和娣姒苦節六
十年七十九歲卒

張氏監生陳自潔妻二十七歲夫故無子以從堂姪

德盛爲嗣維時翁姑在堂氏竭力事之家雖貧養自厚也嗣舅姑相繼歿氏營祭葬無不盡禮由是家益落常日不舉火氏終以禮自繩干人乞憐之事不屑爲也守節四十六年壽七十三歲卒

王氏張殿傑妻二十七歲夫歿僅遺一子尙在襁褓家貧無依攜子寄居母家晝夜紡績撫子成立苦節五十三年壽八十歲卒

陳氏劉柿妻二十五歲夫故一子甫週歲舅姑年老憂貧氏常婉言慰之曰兒勤紡績必不令二老凍

餒嗣舅姑相繼歿氏營祭葬靡不盡禮且教子有方守節四十九年壽七十四歲卒

劉氏陳三妻二十五歲夫故一子甫週歲家徒四壁無以爲生且舅姑均已年高動作須人氏仰事俯畜心力俱瘁守節四十六年壽七十一歲卒

馬氏陳自舒妻三十歲夫故無子以姪二山爲嗣事孀姑委曲承志撫嗣子教養有方守節四十二年壽七十二歲卒

陳氏孟經邦妻二十九歲夫亡無子以姪紹聞爲嗣

家貧如洗餬口無資攜其子移居母家終宵紡績
教子就傳讀書入泮守節四十五年壽七十四歲
卒

趙氏許明善妻二十二歲守節壽八十四歲卒

劉氏趙會友妻二十七歲守節八十歲卒

王氏趙勳妻三十歲守節九十五歲卒

張氏監生王永祺妻二十六歲夫故守節至七十四
歲卒

張氏周秉烈妻二十八歲夫故守節至八十三歲卒

于氏胡思嚴妻文生于騰雲女貢生加六品銜翠峰
之祖母也二十歲孀居子女俱無撫北段村史姊
丈之子名冠頂爲嗣娶文生馬玉階之女爲婦生
子女各一不數年螟蛉子又不幸夭亡姑媳同賦
柏舟皆苦節之貞也

王氏劉行遠妻二十九歲夫亡守節至八十七歲卒
郭氏文生胡德新妻二十七歲夫亡守節四十二年
卒

李氏李四妻二十四歲夫亡守節至七十四歲卒

劉氏李安妻二十三歲守節至八十歲卒

李氏李珍妻二十二歲守節至八十九歲卒

李氏張遜讓妻文生李其昌女十八歲夫故子女俱無舅姑待之極嚴氏和色婉容始終一致紡績達
巨井臼親操守節四十二年壽六十歲卒

劉氏增生徐蓮奕妻增生亮采之母也二十八歲夫
亡守節至六十九歲卒

張氏朱友梅妻博野縣舉人張簡書孫女也二十一
歲夫亡無子以姪爲嗣愛如已出事姑以孝聞寢

食侍奉疴癢抑搔家雖貧紡績猶供甘旨守節至
六十一歲卒

張氏馬玉衡祖母十七歲于歸甫三年夫卽歿守節
至八十四歲卒

李氏王子赫妻二十歲夫故守節至六十二歲卒

黎氏李方儒妻十九歲于歸二十九歲孀居守節至
六十二歲卒

陳氏呂常在妻二十六歲守節至六十八歲卒

張氏牛桂林妻十八歲于歸二十六歲夫亡守節至

七十三歲卒

李氏文童王天柱妻文生李果成之女二十一歲孀
居守節至八十二歲卒

邸氏馬從健妻二十三歲守節遺一子金莖氏紡績
不輟令子讀書壽至八十三歲卒

傅氏張紹顏妻三十歲守節奉孀姑以孝聞教子讀
書家聲賴以不墜壽至六十四歲卒

陳氏劉祿妻二十七歲夫故守苦節四十年卒

李氏文生宋式玉妻二十八歲守節五十八歲卒

黃氏武童劉慶雲妻二十四歲夫亡苦節四十一年
卒

徐氏江王琳妻二十五歲夫亡守節至六十二歲卒
江氏崔欽連妻監生江上達女十八歲守節四十八
歲卒

張氏董玉清妻二十二歲守節五十五歲卒
李氏胡文瑞妻十九歲守節五十五歲卒

胡氏王一治妻府學廩生胡時發女十九歲孀居以
夫弟文生一溥仲男文生國恆爲嗣守節三十七

年卒

谷氏王一清妻二十五歲夫亡守節五十七歲卒

袁氏馬步青妻二十三歲守節七十二歲卒

徐氏安繼賢妻舉人徐永發孫女二十三歲夫亡守節至七十一歲卒

徐氏文生劉良田妻舉人劉瞻雲子婦二十二歲夫故守節四十八年卒

張氏文生劉鳴謙妻舉人劉瞻雲孫婦二十歲夫故守節現年八十七歲

曹氏廩生徐苓一妻武生友賢母也守節四十餘年
卒

王氏趙名揚妻二十歲孀居守節二十八年卒

徐氏劉芳蹤妻二十六歲夫亡守節三十四年卒

劉氏王達彥妻二十四歲夫故子女俱無舅姑又繼
歿僅有夫弟一人年方數歲氏撫養備至至於成
立苦節已六十五年現年八十九歲

朱氏段鳳儀妻二十六歲夫亡家貧親老順志承顏
守節已四十九年現年七十五歲

李氏儒童徐壽增妻二十八歲夫故養子同源愛如
已出已守節五十三年現年八十一歲

封氏呂鴻本妻二十九歲夫故已守節五十年現年
七十九歲

季氏徐桂楚妻十九歲于歸未及三月夫卽亡守節
四十九年現年六十八歲

鄭氏文生馬珍妻二十一歲夫亡無子以姪文炳爲
嗣家雖極貧終不令其子廢學文炳入泮得於母
教者居多已守節五十年現年七十一歲

孟氏王國琨妻十九歲夫故無子以姪朝治爲嗣朝
治有孝行母有病寢食俱廢藥必親調聞母呻吟
輒爲流涕氏守節已四十九年現年六十八歲人
皆謂子之孝實母之節所感云

頓氏劉清波妻三十歲夫亡已守節四十九年現年
七十九歲

李氏李上庠妻二十二歲夫亡已守節四十七年現
年六十九歲

孫氏高大成妻三十歲夫亡守節已四十四年現年

七十四歲
蔣氏武童王履謙妻二十三歲夫亡苦節已四十二年現年六十六歲

張氏吳成德妻二十七歲守節已四十四年現年七十一歲

焦氏劉來保妻二十五歲夫亡事孀姑撫遺子艱苦萬狀守節已四十二年現年六十七歲

王氏趙桂森妻博野縣監生王文達女十九歲夫亡守節已四十三年現年六十二歲

江氏趙孟林妻二十歲夫亡守節已四十三年現年六十三歲

董氏王士秀妻二十九歲孀居現年八十二歲

宮氏楊沛然妻三十歲孀居現年七十六歲

呂氏卜應召妻二十四歲孀居現年七十七歲

李氏文生卜應試妻二十六歲孀居現年七十四歲

沈氏卜應瑞妻三十歲孀居現年六十七歲

谷氏監生卜應選妻三十歲孀居現年七十一歲

張氏卜應聘妻三十歲孀居現年八十歲

王氏張懷清妻二十四歲孀居現年七十六歲

王氏劉雙桂妻十六歲于歸十九歲孀居現年七十

歲

劉氏劉懷玉妻二十歲孀居現年七十一歲

邵氏劉端中妻二十一歲孀居現年六十八歲

馬氏劉赫成妻二十六歲孀居現年七十八歲

陳氏劉炳文妻二十五歲孀居現年五十七歲

呂氏劉清明妻二十三歲孀居現年七十歲

劉氏劉定會妻二十八歲孀居現年六十歲

袁氏宋金輝妻二十九歲孀居現年六十八歲

張氏張梅玉妻二十五歲孀居現年九十歲

李氏王陽妻二十一歲孀居現年六十六歲

孫氏楊子祿妻二十五歲夫亡家貧姑老節孝雙全
守節已四十一年現年六十六歲

劉氏孟振興妻二十七歲夫亡遺孤甫四月教養有
方已守節三十四年現年六十一歲

王氏李勤妻二十九歲孀居現年七十一歲

郭氏孟昭璽妻二十三歲夫故祇遺一子同治七年

其子又以禦賊被害零丁孤苦影隻形單已守節四十年現年六十三歲

劉氏文生徐景滄繼配博野縣廩生劉祥集之女廩生允升母也二十八歲夫故事親教子孝養兩全已守節四十一年現年六十九歲

蘇氏崔焰超妻武生虎臣母也二十六歲夫亡守節已四十一年現年六十七歲

熊氏葛伍妻二十一歲夫故守節已三十九年現年六十歲

張氏文生徐慎德妻二十五歲孀居現年六十四歲
張氏劉構兒妻十九歲孀居現年五十七歲

劉氏段密妻十九歲于歸事親相夫克孝克敬二十
三歲夫亡家貧無子以姪繩先爲嗣勵志撫孤慎
終如始守節已三十二年現年五十五歲

魏氏宋光宗妻二十四歲守節貧苦自甘撫幼子至
於成立苦節已三十六年現年六十歲

陳氏文童張蓬萊妻博野縣監生陳紹先女二十二
歲夫亡守節已三十七年現年五十九歲

張氏江玉倉妻二十五歲夫亡守節已三十七年現年五十九歲

戴氏趙白雪妻十八歲夫亡貧能盡孝苦不改常守節已三十四年現年五十三歲

劉氏江中孚妻二十九歲夫亡守節已三十六年現年六十五歲

馬氏趙鳳鳴妻十七歲于歸未及週夫卽歿矢志靡他守節已三十四年現年五十二歲

吳氏趙虎變妻三十歲夫亡子女俱無貧不自給

十餘年雙目失明艱苦萬狀已守節三十四年現年六十四歲

甄氏王天福妻文生泰之母也二十八歲夫亡已守節三十五年現年六十三歲

戴氏段芳田妻二十二歲夫亡事舅姑養生送死盡禮盡哀守節已三十年現年五十二歲

王氏許金鐸妻二十一歲孀居無子孝事翁姑守節已三十四年現年五十五歲

徐氏霍英奎妻十六歲于歸僅八月夫卽亡氏以柏

舟自誓事舅姑至孝人皆稱之已守節二十三年
現年四十九歲

谷氏武生劉蔭桐妻二十四歲孀居現年五十八歲
胡氏李直繩妻二十歲夫歿已守節三十四年現年
五十四歲

葛氏高乾元妻二十九歲夫亡守節已三十三年現
年六十二歲

吳氏趙東山妻二十八歲守節已三十一年現年五
十九歲

杜氏宋元喜妻二十二歲夫亡子懷忠僅三歲懷恕
猶在襁褓孀姑在堂家無恆產氏紡績度日上事
衰親下撫幼子孝養無虧義方丕著鄉人皆賢之
守節已三十一年現年五十三歲

姚氏李廷相妻二十一歲夫亡守節已三十二年現
年五十三歲

劉氏耿鵬翔妻歲貢生劉毓泉之姊二十六歲夫故
事舅姑撫嗣子能孝能慈現年五十八歲守節已
三十二年

趙氏宋振妻深澤縣候選州同趙清漣女也十九歲
于歸甫六月夫卽故守節已三十年現年四十九
歲

江氏劉致和妻二十歲夫亡守節已三十一年現年
五十一歲

劉氏牛根玉妻十九歲夫歿已守節三十一年現年
五十歲

李氏牛丹桂妻二十二歲夫故已守節三十一年現
年五十三歲

馬氏王平福妻二十二歲于歸未逾月夫卽病故家
貧姑老孝順逾常現年五十二歲已守節三十年
周氏沙建勲妻二十歲孀居現年五十一歲
陳氏楊超然妻三十歲孀居守節已三十八年

李氏楊慎之妻三十歲孀居守節已三十年

呂氏史進妻二十一歲孀居事舅姑孝撫養子慈守
節已三十二年

姬氏呂鳳翔妻二十三歲孀居事衰親撫嗣子孝慈
兼盡守節已三十一年

黨氏趙紹宗妻二十七歲夫亡孝事舅姑訓子成立
守節三十一年

蘭氏墨捷三妻二十二歲夫亡守節四十二年

李氏趙際唐妻十九歲孀居以姪錦才爲嗣教養成
名四十餘年苦節彌貞焉

刁氏趙連仲妻素嫻閨訓二十歲孀居以姪受采爲
嗣善事翁姑節孝實能兩全現年六十三歲

史氏田構兒妻二十二歲夫亡守節已三十九年

史氏田小潭妻二十三歲夫亡遺一子又爲捻匪所

害守節三十年

霍氏喬白子妻二十一歲守節現年五十一歲

李氏王體泰妻二十七歲夫亡守節已三十四年

許氏趙均與妻許凌廣女十九歲于歸二十五歲孀
居守節已四十餘年

田氏馬佩瑄妻守節三十二年

郭氏李亭椿妻二十五歲孀居守節五十二年

齊氏李清機妻二十二歲孀居守節三十三年

劉氏馬定邦妻監生劉炳文之女二十五歲孀居子

女全無已守節三十六年

趙氏石廣盛妻二十七歲孀居已守節五十七年

姚氏監生馬宗盛妻二十六歲孀居現年七十二歲
范氏袁續妻二十五歲夫故守節五十七年

陳氏劉英偉妻二十七歲夫亡守節四十一年

呂氏崔中倫妻二十五歲孀居守節已三十年

王氏李修德妻二十九歲孀居守節三十餘年

高氏馬瓊妻二十五歲孀居撫遺腹子至於成立守

節已三十六年

馬氏張丑寅妻二十一歲孀居其孤子連城妻陳氏
亦孀其嗣孫景書妻周氏又孀一門三節已皆數
十年

郭氏張述祖妻二十九歲夫故守節三十餘年

邢氏劉廷槐妻十八歲孀居守節已三十八年

趙氏徐桂株妻守節三十一年

王氏徐桂森妻守節三十三年

蕭氏徐兆岷妻守節三十四年

劉氏徐雲升妻守節三十三年

季氏徐得善妻守節三十年

龐氏徐士選妻守節三十七年

李氏徐超凡妻守節三十九年

李氏徐兆傑妻守節三十五年

徐氏侯妣續妻守節三十一年

徐氏鄭玉輝妻守節二十四年

高氏李體仁妻守節四十一年

陳氏趙誘善妻守節三十六年

甄氏趙錫章妻守節二十八年

姜氏江虎妻二十六歲夫亡守節四十八年

平氏宋克立妻十九歲于歸二十五歲孀居孝慈兼盡婦道克全已守節六十五年現年九十歲

王氏霍滿堂妻十七歲夫亡守節三十年現年四十七歲

王氏劉三綱妻二十二歲夫亡子女俱無苦節已三十二年

張氏王棧樸妻二十九歲夫亡孀居已四十餘年

時氏王吉慶妻三十歲孀居現年七十五歲

蘇氏王明之妻二十三歲夫亡守節已五十五年

王氏趙誠之妻二十二歲夫亡守節已五十四年

張氏張修業之母十八歲于歸二十五歲孀居現年

九十歲

谷氏監生宋鍾芳妻蠡縣癸未科進士知河南中牟

縣加同知銜谷懷濬女也二十九歲孀居守節三


十餘年已經禮部郎中孟呈請

旌表

郭氏馬璞之妻守節五十年現經翰林院檢討田泰

請

旌表



人瑞

陳如愚之妻鄭氏壽一百零九歲男四長玉樹九十
二歲乙未副榜丁酉舉人次文德九十二歲又次
五魁九十六歲又次六順八十七歲女二長七十
五歲次六十歲惟長女先卒其餘男女皆送終州
牧沈旌其門曰護堂春永

李煥章壽百有二歲

李漢侯之母崔氏壽九十七歲漢侯壽九十三歲妻
張氏壽九十歲州牧旌其門年高德邵

王興業壽九十一歲

曹 斌係從九品曹金章之曾祖壽九十八歲妻黃氏壽亦九十八歲夫婦同壽鄉黨稱之

從九品趙維周現年九十五歲妻曹氏現年亦九十五歲

武生孟良彌壽九十五歲

已見孝友門

王希周壽九十三歲

曹其瑞壽九十三歲

李玉琳壽九十二歲

李岐仙壽九十歲

李建功之妻唐氏壽九十四歲

張子美妻王氏壽百有一歲

邢成名妻李氏壽九十五歲

霍成功妻王氏壽九十五歲

王三餘壽九十四歲

王祝三之母崔氏壽九十四歲

監生王重祿妻壽九十二歲

增生劉豐龍壽九十七歲

杜寬壽九十一歲

附生劉懷德壽九十二歲

劉材達壽九十五歲

附生劉思誠壽九十歲

劉養正壽九十歲

劉懷禮壽九十一歲

劉養義壽九十一歲

李肯構壽九十一歲

劉貽謀壽九十六歲

耿洛作壽九十一歲

武生劉日庠之母李氏壽九十四歲

王洛泰壽九十二歲

劉洛賢壽九十二歲

趙文燦壽九十歲

趙泰昌壽九十歲

文生趙培元之母趙氏壽九十歲

孟麟祥壽九十歲 恩榮九品

鄭光耀壽九十歲 恩榮九品

趙德峻壽九十六歲

女生袁清漣妻杜氏壽九十三歲

劉洛獻壽九十一歲

張克勤壽八十二歲五世同堂

武生李飛熊字麗天壽九十一歲品性端方子孫逢

吉子一全文孫一名世曾孫二琴書琴和和邑庠

生元孫三五增五福五倫五世同堂同治十二年

無疾而終

監生楊朝珍字待聘子二裕德好德俱太學生孫五
金相邑庠生金波金聲金耀金柱曾孫九學海東
海振海四海宗海元河振河銀河清河元孫二連
喜連仲五世同堂

徐枕驚之妻夏氏同治八年一產三男